

ipso vocabulo *Abstractivis*, tum de *terminis & vocibus Abstractivis*, quae in hoc mysterio adhibentur, ipsi esse sermonem, apparet. Quod primum spectat, meminisse debemus, ad terminum aliquem in Ecclesia servandum non semper requiri *summam necessitatem*, sufficere etiam *utilitatem*, ad quam non minus est respiciendum. Organa sunt perinde, ut alia, non semper & ubivis, suo tamen objecto, loco & tempore, & utilia & necessaria. B. CHEMNITEVS, magnus hac in arte Roscius, in initio libri de Duabus Naturis in Christo, non sine pondere generatim profitetur, *vocabulorum magnum in hac doctrina usum esse*: & speciatim de vocabulis *Abstractivis & Concretivis*: *Haec notationes differentium appellationum per vocabula abstracta & concreta, quia monstrant, quando vel naturae ipsae in Christo distinctim considerandae sint, vel quando ipsa persona subsistens in utraque natura intelligenda sit, recte & utiliter in scholis inter eruditos in hac doctrina retinentur, ut eo facilius confusio naturarum vitari, & cum differentia naturarum personae unitas in loquendo conservari & perspicue judicari possit, quae cujusque naturae propria sint, & quomodo illa personae communicentur, & quid distincta natura in Christo praeter physicas proprietates, ex hypostatica cum Divinitate unione, acceperit. p. 2.* Addit quoque, *usum talium vocabulorum in hac doctrina ad res ipsas non turbandas & obscurandas, sed distinguendas & explicandas, esse inventum & receptum. ibid.* Qua in re ad ipsius Allocutoris experimentum provocamus, quod in Institutionibus doctrinae de Christo exhibuit, & fassus est, ad naturam Communicationis recte exponendam & capiendam opus esse, *ut descendatur in scholasticum, philosophicum & metaphysicum campum, patere enim deinceps, quantam utilitatem praesenti instituto illud sit affusurum. p. 353.* Neque hic quaerendum esse, porro, ubi de *propriorum Communicatione* agit, dicit, *de obscuritate conceptuum, si quis modo terminos intellexerit, cum ea perspicuitatis luce fulgere videantur, ut etiam simplices, & qui mysteriis metaphysicis nondum initiati, atque ad altiora haec scandenda*  
*haud*